

鹽城縣志

第九冊

鹽城縣志

卷之四

一樣長

陸公祠仰止堂記

程煥

仰止者何仰宋丞相陸公也何仰陸公也仰其盡臣職也公為宋丞相播遷聞聞卒至成仁取義以收宋室三百年養士之功無愧為人臣矣是故仰陸公之盡臣職也或曰古人願為良臣無為忠臣公值時不幸凡為人臣者弗之願也噫治亂者時也忠良者心也時有幸有不幸心則一也是故治則都俞過則諷諍難以死義臣職當如是也故曰忠良一道也聿真講曰天下治則談禮樂以陶吾民一有不幸當伏大節為臣死忠為子死

孝嗟夫此公之心也此公臣職之盡也夫宋遷朔州時
事可知矣羣臣多欲散去公曰古人有一旅一成中興
者乃奉立衛王此公存而宋存也及厓山之急公曰陛下
下不可再辱遂負帝同溺是公亡而宋亡矣嗚呼莫大
乎社稷莫重乎君臣而公之存亡以之孰不於公而敬
仰哉予讀宋史即公行事而知其心焉夫行宮正笏者
曰敬泣感左右者曰誠日講大學者曰正外酬軍旅內
調又殺而綏理周密者曰才朔州之謫宜中之意也而
無所芥蒂於中者曰量若公者可為萬世相天下者之
法豈獨鄉邦後生小子之所當仰已哉雖然傳曰事君

能致其身公之妻孥先溺獨身乎哉然則為人民子無
崇卑無遠近為終身謀為兒女計者視公覲顏否予固
作堂於公祠之前聚徒講學因名仰止又為之記

新開南門碑記

孫繼皋 修撰

淮之南臨海建鹽城設治焉先故有南門閉塞抑不知
幾年代矣南海楊君瑞雲以名進士補鹽城缺初入荆
陽適洪水之後邑里蕭條田野為蛟蠃宅者什八九立
道傍蒼赤無復人色進諸公老于吏詢之故曰吾鹽濱
古稱淮富寶邑自先朝隆慶三年至今無歲不被水水
沒鄉落盡且灌城郭二十年不一收老穉棲舟楫舉網

羣食延旦夕壯者傭於南塲萬家邑蕩無餘矣談者率
歸罪於開海口開南門焉楊侯曰海口之利害嗣當與
諸父老諮之南門建置日月可得聞與中有老軍火姓
必珏者自班中進言曰老朽且百歲只聞古有南門云
而開寨時則未聞也即千家俱在南南門閉北門開皆
陽向陰矣侯曰若舊門址可得乎珏曰日久矣經亂雖
典故且失之縣城圖不載矣侯曰關郭開門一方生靈
命脉係焉非可苟且為也爰與守備都指揮燕楊天臣
教諭蜀張振羽邑致仕知縣劉玄應洪上下川原間時
撤車從步攜指南車行或三二里一曰揖諸弟子員張

三鳳孟一龍等語之曰吾得南門矣其縣之南隅寶宮
之前乎諸生唯唯而退侯因籌公役與諸木石費手裁
議之漕撫侍郎新原以公河道尚書印川福公按治待
御會川李公蒲汀姜公翼海張公雲原林公兵巡憲副
靜守游公水利蒲山張公海道春守龔公營田正菴又
公郡守鑑弦宋公寅齋樊公丞鄭君國彥劉君順之王
君琰判兄君于梧惟宮王君國祚僉報可故事兵餉專
以待諸路緩急不得擅動新原公與侯相得懽甚業以
四百金借侯侯於是令耆老陸義芳採木與石粉於直
州委邑幕越吳木董其事經始於萬曆庚辰春正月之

二曰吳木總諸兵夫穿城而下得故南門基址具在邑
中士庶數千人環視神之且云今所修復道洞口若再
得故處乎侯曰此堪輿定理不足為奇先東門甲向西
門庚向北門壬向余於丙位得離門耳道洞口宜從辛
益不鑿城之辛方果得古道洞口因舊修之費又不多
故侯在江北有神明之號門上建樓廣五丈高二丈五
尺許門之內為橋曰青雲橋門以外為躍龍池廣五丈
長十丈池之南為迎恩亭亭四接水樓櫓門亭壯麗炫
耀為東南巨觀諸郡邑門無與比為門成時辛巳十一
月二十四日也侯別以濬射鰐不成奉特旨晉服俸一

級賜金文武官員具儀仗迎恩詔由新門入亦一時盛事云鹽城諸耆碩愿君洪謝君與城等以予與侯同成進士相率徵予言託其事余詢諸父老余云候大有造於鹽城如塞海口以障鹹潮疏射陽以洩積潦均徭役以蘇貧困請牛種以闢荒蕪愛養百姓教育諸子弟視國事如家四年間百廢具舉十登薦剡他可書者詳之口碑具勒縣志余何贅焉

重開射陽湖記

余孟麟 編修

鹽城蔽長淮而阻於海去縣治一百四十里為射陽湖山陽寶應高郵興化通泰諸水皆匯於湖由湖入海先

是湖水榮流不涸不潰沃原膏土纔纔乎百利可興也
歲久填闕諸水叢奔而至無以洩水怒田廬既圯舟楫
不通環湖居民一望荒墟用是胥戚蓋越三十年所矣
具有捍患興利者或情徂于便安或事畫於惜費迄無
成功茲有以也邑大夫楊君至觀斯民之重憊也惻然
傷之乃歎曰夫令民者救菑補敗而以興民利之也民
憊如是而泄泄然罔所援拯令民謂何乃按行隱度憐
無遺謀因議上郡守郡守上監司監司行視凡三度復
而白於督府以奏聞下大司空決策之然後報可而營
不能易楊君之議也楊君既受事則剏嚴夕徹晝地分

工率其軀於橈櫓鋏鑊之間與肩負跣馳之衆同其甘
苦疏濬積淤增葺頽岸蓋合木土金石之工而使水得
所壑經始于萬歷九年正月凡七閱月而告成矣邑人
士相與言曰斯湖之開也大夫之澤弗可涸也異時大
水散潰瀦城邑民且陷於危亡今庶幾流不他徙而公
私家以萬計可倚而宮也五方之材千里之貨所不能
力政者今庶幾翼翼浮航可一息而馳至也因以水鰲
民故艱食今庶幾永栖于畝而可有秋也斯湖之開也
大夫之澤弗可涸也義官李雯等乃敘其事而徵文于
余余曰昔杜預為荊州嘗開巴丘湖以洩長江之險通

零桂之漕南士懷其德號曰杜父嗟嗟以彼其時以漢
問所稱智名勇功者何限而預獨以開湖得民蓋得愚
興利之政民所丁寧以及者也今楊君當百里之冕簪
修裨其民功在射陽與荆之巴丘蓋等也而民幸藉楊
君之儲胥以毋魚鰲則其德之也抑豈出預後哉頃諫
者言大以南北數困水菑莽莽巨浸民廢烟火上乃深
憫之令計相減漕有司蠲租藉已又輸發大司農餘餼
命使者分行以賙貧民此為根本計則是矣然余以為
未可繼也為民令者視民所丁寧以急從而熟計之如
楊君民將各賴其利即不幸而遇留害其亦不至坐困

矣功鉅而惠流獨一鹽城已哉漕可不減租籍可不蠲
而大司農餘緩可不輸發也國家重吏治既舉賜金增
秩改事以表揚君異能矣他日踵而行之者毋至于殆
廢豈惟為利於無窮歟亦永有譽哉夫懋賞博禮朝廷
之所以報功也敷惠禦災循良之所以建績也長皆不
可無傳也楊君名瑞雲南海人舉甲戌進士仕鹽城多
善政如塞石碇口修天妃廟闢南門創社學興夫建倉
以便兌運減役以拊貧捐莫可殫述茲不記記其開湖
始末以告後之君子督府凌公太倉人鹽司張公漳浦
人郡守樊公霸州人皆預主其議縣丞王三君主簿朱

太興史吳本督分役其云併勒之石至於湖開里數貫
金若干募夫若干及鄉約承差民名氏則具碑陰

築鹽城石碣口記

胡希舜
吏科給事

出鹽城東門一里許有石碣口故有木橋以便往來者
久之海道壞橋萬曆丙午鹽城令杜君善教以興化鉅
公主議濬河建橋河通潮大至壞橋水彭湃震盪盡沒
民田一時居民溺死者無算於是鹽父老子弟鼓隊而
爭言塞石碣口矣庚辰歲楊令瑞雲言之巡鹽御史姜
公璧是年題請塞石碣口修築丞相范文正捍海政隄
而命楊令董其役自是海潮不得奪堤而上鹽人永無

海患矣乃鄰縣興化歲被水顧籍籍谷石磴口塞之非
便諸於當事者固欲開石磴口當事者屢遣諸縣令率
丁夫至石磴口名為相視石令遂開之楊令以死拒之
曰鹽城萬民之命苟懸石磴口今懸諸君諸君如遂開
變隨手至矣諸君何以謝鹽城則又借箸畫地形曰夫
地形若鬴興化則鬴腹也鹽地高如鬴邊鬴邊即張其
口安能洩鬴腹中水哉為我謝興化楊公若諸父老子
弟諸縣令遂皆負空手而去於是石磴口卒不開楊令
居恒語人曰雲令鹽城數年去矣顧誠如鹽城百年何
益不敢賣鹽城以徇當事者意鹽城士民則徵余紀述

石礮口之始末且以證諸來者示無改也論曰隆萬以
來河淮南徙淮揚諸郡縣歲蒙水患自頃築高堰障水
不來然又以為諸湖水非大開海口莫能洩也孰知諸
海口可開石礮口則不可開何者石礮口薄城所憂不
獨在田也昔人守疆土康利其民率講水利酌通塞用
之艱則西門豹史起南陽則召父杜母並以開導為利
國之石屏沛之鄭陂充之石堰咸障水以豐民也夫操
治水之策者顧可拘方而道哉矧也范堤之築本以捍
海潮今者塞石礮口築長堤最符范公始謀云然范公
堤外多民居每受海患楊公則迂其限包民居限內功

德鉅矣昔翟方進壞汝南陂怨者歌曰壞陂誰翟子威
飯我豆食羹芋魁嗣來者幸無令陂人興汝南之歌哉

義勇武安王廟碑記

潘應詔

夫海嶽山瀆之神與百辟卿士之利民者顯得從其方
祀之然未遍天下也武安王雲長上自大都郡以暨窮
鄉邑咸廟食無闕至於山巖聚落亦往往建祠且倍焉
歲時伏臘守司隆奉典禮黃童白叟酒牲而酹禱之王
何得此於下世哉豈其虬鬚鳳姿之儀軒將奪關之勇
割荆制吳之威含笑刳創之氣猶能震疊來許耶否也
方其君臣義定死生以之開關百折瀕死不渝忠節與